

որս և զվայելուչ Տաճարն Համբարձման տեղւոյն 'ի լեառն Զիթենեաց : Թիւ անկելոցն 'ի կոտորածէ 'ի քաղաքի անդ , գնեն ոմանք 17,000 , եւ ոմանք 'ի Պատմագրաց 50,000 , եւ գերեւոցն 35,000 • այլք 30,000 : Կալան գէայրապետն Երուսաղէմի զԶաքարիա և զխաչապանն , և խոչտանդեալ տանջէին զնոսա ցուցանել զտեղի կենսաբեր խաչափայտին Քրիստոսի , ուր և բազումք մեռան 'ի սպառնելոյ • ապա հարկեալ ցուցին զտեղին ուր ծածկեալ կայր , զոր առեալ վարեցին 'ի գերութիւն : Զօրք Պարսից սիւսեցան 'ի սահմանս Երուսաղէմի , և հասեալ 'ի վանս Ս . Սաբայ՝ աւարի առին զայն , եւ կոտորեցին զկրօնաւորս՝ վանաց , զորոց ոսկերսն եւ զկառափունս ցուցանեն ցարդ 'ի նոյն վանս զեռեղեալ 'ի բաւիղս : Յետ այնորիկ աւարի ետուն զքաղաքն և կողոպտեցին զամենայն եկեղեցիս եւ զվանօրայս , և ժողովեալ կուտեցին արծաթ և ոսկի բազում , և հալեալ ձուլեցին զնոսա տանել 'ի գոռն Պարսից : Եհան լուր աւետեաց յականջս խոսրովու , թէ առաւ Երուսաղէմ և գերեցաւ Ս . Խաչն ընդ հայրապետին Զաքարիա • ընդ որ յոյժ խնդացեալ արքայի՝ պատուէր հրամանի արձակեաց առ զօրավարն խոռեմ , առնել սղորմութիւն 'ի վերայ գերեւոց՝ դարձուցանելով զնոսա 'ի անդիս իւրեանց , շինել զքաղաքն և զաւերեալ տեղիսն եւ զամենայն ինչ հաստատել 'ի կարգի իւր , և գհէյայսն հաւածակոն առնել 'ի քաղաքէ՝ անտի : Ընկալեալ զօրավարին զհրաման թագաւորին իւրոյ , կարգեաց տեղապահ աթոռոյն Երուսաղէմի զոմն երիցապետ Մոգեստոս անուն , որ չարաչար կառավարեաց զայն աթոռ զամս երկու ընդ Սերգիոս եպիսկոպոսին Յովպէի , ստէ Մարինոս լատին :

Մեկնեցաւ զօրավարն խոռեմ 'ի սահմանացն Երուսաղէմի բազմութեամբ գերեաց և ճոխ աւարաւ , տանելով ընդ իւր զխաչափայտն Քրիստոսի և գէայրապետն Զաքարիա • իսկ Հրէայք սիւսեալք ընդ հրէաստան , գնեցին 'ի թագաւորէն խոսրովայ 90,000 գերիս քրիստոնեայս եւ հեղձամահ արարին զնոսա :

Իսկ Մոգեստոս երէց ձեռն արկ և նորոգեաց զՍ . Տեղիս և զեկեղեցիս զաւերեալն 'ի Պարսից ընդ որս եւ զեկեղեցին Համբարձման տեղւոյն , որոյ մեծապէս ձեռն-